




世恩錄序



世恩錄者吳氏之錄也錄

之名世恩者世

天子之恩也寵之以

王言可不謂恩乎延之以累葉

可不謂世乎濟美延賞先
王之制也後世則罕矣吳
氏之能世恩者賢而能世
科也科以世繼仕以世顯
恩以世承此錄之所以作

也少方伯吳君瞻之尚在

給諫時過臯語曰家君以

成化乙未登進士敷歷中

外踰三十年樹有勲勞既

累考稱獲受其身併祖父

母父母妻

誥勅與夫供事而奉

璽書以往凡若干道洎某兄弟

嗣領甲科登庸于

朝亦皆光被

敕命間有差遺亦以

璽書從事又凡若干道固珍襲

藏之矣尚慮無以昭

鴻休垂燕翼永其傳於不朽也

論諫之暇手自編錄萃為

一帙名曰世恩將鏤諸梓
願一言以引其端臯敬取
卒業爲因作而嘆曰至哉
王言之感人也馳

封所以酬其志也

褒寵所以昭其功也

敕命所以礪其職也

上之逮下如此為之下者精白

乃心以承籍之謂不當尔

耶是故志酬於孝而益勸

其忠功錄於前而益懋其
後職礪於初而益慎其終
下之所以報

上者孰不其然耶維司寇公科
第起家給諫昆弟聯芳而

趾美服官守而躬出入之
勞司誥訟諍而輸忠盡之益
最考一而獲茂恩賢勞而服

寵命榮豔四代更歷
三朝而猶未也吳氏之遇可不

謂盛哉雖然世其恩者世
其報可也給諫之為是錄
固將觸目警心以為感激
圖報之地又以詔其後之
人俾之視成訓宣重光以
薦忠貞之業於奕世而不
墜其聲聞焉後之人其念
之哉

正德辛巳

賜進士及第翰林院修撰儒林

郎無

經筵展書

國史官新安唐臯書

奉

天承運

皇帝勅曰刑部古之秋官而其屬特詳於他部者蓋職專邦禁而大小刑獄係焉非得明恕之士未易稱任尔南京刑部廣西清吏司主事吳洪發身賢科擢居是職歷年既久克慎于刑宜錫寵恩以旌勞勩是用進尔階承德郎錫之勅命以示褒榮尔尚

體朕欽恤之意毋縱毋苛用適厥中欽哉
勅曰婦從夫貴不以存沒而異恩蓋重人倫
之始以敦風化之本也爾南京刑部廣西
清吏司主事吳洪之妻王氏善相其夫而
已早沒茲特贈爲安人九原有知服斯寵
命

勅曰國家錫命群臣而必及其室家者所以
嘉向助之賢示恩義之廣也爾南京刑部
廣西清吏司主事吳洪繼室夏氏恪謹婦
道允宜厥家茲特封爲安人服此榮恩永
光閨閫

勅 命

成化拾柒年正月拾捌日

之 寶

奉

天承運

皇帝勅曰朝廷任才能以勵夫臣之忠施恩典以遂夫子之孝此古今之定制而激勸之大法也尔吳璋乃南京刑部廣西清吏司主事洪之父敦行善道篤於義方訓子有成居官稱任揆其所自恩典宜頒茲特封尔爲承德郎南京刑部廣西清吏司主

事服此隆恩益綿壽祉

勅曰母以訓子爲慈子以顯親爲孝肆朝廷推恩臣下必彰夫訓子之勞而遂其顯親之願焉尔施氏乃南京刑部廣西清吏司主事吳洪之母善有閨門訓成其子爰推所自用錫褒榮茲特封爲安人服此茂恩永綏祿養

勅命

成化拾柒年正月拾捌日

之寶

奉

天承運

皇帝制曰國家脩馬政以壯本兵安攘是繫
置卿寺以領群牧政令攸行顧惟任重而
責艱務在得人而登用匪兼望實曷稱簡
求茲尔太僕寺卿吳洪器識恢閑性資謹
厚起自邦畿之秀蔚爲科第之英司刑久
列于留曹聽斷惟允執法累遷于外憲督

察式精比諧輿議之公遂有大卿之擢乃能正身率物竭力奉公復百年之舊規軍興不乏刻壹時之極弊馬課寢蕃矧其踐馱久而諳練愈深勞效多而謙恭彌甚賢聲茂著嘉績告成可無寵名以示褒勸茲特進尔階中大夫錫之誥命於戲邊烽有警適當多故之餘駭北斯臧尚賴無邪之美益殫尔力寬我顧憂欽哉

制

誥

初任南京刑部廣西清吏司主事

二任本部廣東清吏司署員外郎事主事

三任本部浙江清吏司署郎中事主事

四任本司郎中

五任貴州按察司副使

六任廣東按察司副使

七任福建按察司按察使

八任今職

之

寶

制曰臣之勞于報國無功不酬妻之義在從夫有榮斯與顧閭閻有關於風化肆國恩

無間于存亡太僕寺卿吳洪妻贈安人王氏系出高門禮歸名族相夫有道治內無違音斷瑟琴夙願已乖于偕老寵頒綸綍休光晚被于追封眷茲三品之崇載示九原之貴式彰潛懿庸慰柔靈是特加贈爲淑人尚其有知服之無斁

制曰婦職專于饋祀名不可虛君寵重于褒封禮無容廢况乃名臣之良配可無推錫之殊恩太僕寺卿吳洪繼室封安人夏氏夙奉姆儀晚歸儒彥柔嘉維則淑慎有常井曰勤勞雖未躬于家食冠裳光寵蚤已被乎朝封顧夫秩之寢隆乃泉扃之永閔載稽彛典用示卹恩茲特贈爲淑人渙號是承幽冥永貴

制 誥

弘治拾柒年拾月拾柒日

之 寶

奉

天承運

皇帝制曰旌獎賢勞乃朝廷之著令表章先
德亦人子之至情我有能臣茂揚偉績肆
推褒寵寔倍常倫尔封承德郎南京刑部
廣西清吏司主事吳璋乃太僕寺卿洪之
父累世名家一鄉善士辛勤求母朱壽昌
之孝行可稱慷慨濟人馬扶風之義聲無

忝矧博通乎書史久垂訓於家庭顧惟令
子之登庸蚤荷郎官之寵錫壽餘八袞始
違祿養之榮光賁九原載示褒崇之命名
非偶得恩豈徒施茲特贈爲中大夫太僕
寺卿天寵荐加庶流傳之有永明靈不昧
尚歆享于無窮

制曰母有教育之德與父式均國有褒卹之
恩惟臣是勸典章具在蓋風教之所關存
沒攸同實彝倫之當厚尔封安人施氏乃
太僕寺卿吳洪之母儉勤祗順婦道克脩
靜重端嚴母儀尤著篤成賢子領高第于
甲科顯被褒章服休光于郎署顧今三品
益進崇階庸按舊章載頒卹命茲特贈爲
淑人國恩無已益增幽寵之光慈範有徵
永慰終身之慕

制 浩

弘治拾柒年拾月拾柒日

之 實

奉

天承運

皇帝制曰國家之政分勞每籍于臣工孫子
之賢遺慶實原于祖德故臣之事君必竭
其分而國之褒寵不遺其先理則宜然朕
奚容恡尔吳昂乃太僕寺卿洪之祖父慷
慨自許伉直不阿倒廩賙鄉族之貧曾無
德色積書貽家庭之訓卓有賢聲顧予濟

用之臣寔尔亢宗之胤典司馬政既茂建
乎勲庸追賁龍章宜肇頒乎國典九原有
耀百世其昌茲特贈爲中大夫太僕寺卿
諒惟不昧之靈歆此殊常之渥

制曰恩深鞠育肆上逝於重闈禮重褒封必
遠推於再世此國家勸功之典赤子孫報
本之情尔陸氏乃太僕寺卿吳洪之祖母
書翰兼通禮法自守居孀中閭蚤持節婦
之儀刑給事內庭旋被

先朝之遴選載宣勞於藩府終返葬於鄉塋
慶積賢孫大展登庸之志寵頒綸命用推
錫類之仁茲特贈爲淑人匪徒慰幽靈於
九原亦以彰懿範於奕世

制 誥

弘治拾柒年拾月拾柒日

之 寶

皇帝勅諭廣東按察司副使吳洪

朕惟廣東地方接連海島倭寇不時出沒
又有通番運鹽載貨等項船隻往往擅出
大洋私通番國招引外寇偷撈珠池劫殺
客商侵擾濱海地方屢為民害今特命爾
專一巡視沿海地方公同備倭都指揮等
官提督軍衛有司原委備倭巡海捕盜等
項官員嚴督所在官軍民壯人等整飭船

隻器械操習水戰武藝脩葺葺墩堦整理糧
儲禁革奸弊遇有賊寇生發就便相機剿
捕凡海道一應詞訟徑自行提問理發落
其所委官員若有怠忽偷安或以弛兵備及
私役軍士尅減月糧科歛財物害人等情
應拏問者就便拏問應奏請者指實參奏
其餘合行事務及利所當興弊所當革者
並聽斟酌從宜處置爾受朝廷簡任尤須
持廉秉公以身率下夙夜盡心籌畫邊備
務俾海道肅清軍民安妥庶稱委任不許
偏執已見因循怠忽有誤邊事爾其勉之
慎之故諭

廣 運

弘治陸年肆月拾陸日

之 寶

皇帝勅諭工部右侍郎吳洪易州龍灣等處
山廠每年採辦柴炭供給國用實為急務
今特命爾前去專一管理往來提督看驗
比併實收且易州山廠切近茂山衛軍民
雜處作弊多端如有在京在外并彼處豪
強軍民假托勢要夤緣作弊及久慣走廠
之徒買求官吏營充總甲夫頭包攬柴炭
侵尅花費者爾宜嚴加禁治其管工官員

有不守法度科歛財物剝削柴天并押運
官吏人等有過期違限及聽令攬頭包攬
者尔尤宜明示懲治但係吏典軍民有犯
就便拏問依律照例發落官員六品以下
拏送法司究問五品以上及軍職干問者
具實奏聞其合行事務勅書該載未盡者
俱照該部議奏條件施行凡利所當興弊
所當革者聽尔從宜處置尔受茲簡命尤
宜持廉秉公正已率下務俾奸弊悉除人
無勞擾國用常足庇副朕之委任如違責
有所歸尔其欽哉故勅

廣 運

弘治拾捌年 月 日

之 寶

皇帝勅諭工部左侍郎吳洪令因京倉成座
缺少命內官監大監高諒成安伯鄭寧同
尔及戶部右侍郎林泮將濟陽祿米貳處
倉廩添蓋仍查相應空閒官地蓋造合用
物料及做工人匠俱從該部支給官軍於
各營派撥應用提督用工嚴切關防下人
各令奉公守法毋致作弊生事期在事易
集而民不擾其夫匠人等須用心撫卹節
其勞逸如有不遵約束怠慢誤事者聽尔
等量情責罰重則奏聞處治尔等尤宜秉
公持廉正己率下毋或徇私廢公致令工
程不堅物料虛費責有所歸尔其欽承毋
忽故勅

廣 運

正德貳年貳月拾柒日

之 寶

皇帝勅諭工部左侍郎吳洪今命內官監太
監蕭通同襄城伯李鄜及爾提督脩理上
林苑海子行殿橋梁房屋等項合用物料
人匠俱從該部奏准派辦雇覓官軍於京
營照數摘撥應用作急用工務要蓋造堅
完壹應事務爾等從長計議盡心區畫嚴
切關防下人令各奉公守法毋致作弊生
事期在事易集而人不擾其夫匠人等須
用心撫恤節其勞逸如有不遵約束怠慢
誤事者聽爾等量情責罰重則奏聞處治
爾等尤宜秉公持廉正己率下毋或徇私
廢公致令工程不堅物料虛費責有所歸
其欽承之母勿忽故勅

廣 運

正德貳年貳月拾捌日

之 寶

皇帝勅諭工部左侍郎吳洪今命尔不妨部
事同內官監太監高諒提督添蓋并脩理
倉廩合用物料該部於原派之數陸續催
辦應付軍夫於五軍等營次撥官軍內摘
撥京倉玖百柒拾叁員名通倉陸百名木
瓦石鉄等匠該部支給官錢雇覓壹百伍
拾名應用作急用工務要蓋造堅完可以
經久壹應事務尔等從長計議盡心區處
嚴切關防下人令各奉公守法毋致作弊
生事期在事易集而人不擾其夫匠人等
須用心撫卹節其勞逸如有不遵約束怠
慢誤事者聽尔等量情責罰重則奏聞處
治尔等尤宜秉公持廉正已率下毋或徇
私廢公致令工程不堅物料虛費責有所
歸尔其欽承毋忽故勅

廣運

正德貳年叁月拾捌日

之寶

奉

天承運

皇帝勅曰秋曹總邦禁之權任爲特重主事
佐郎官之政責亦匪輕故必才行之俱優
庶其職業之能舉茲惟慎選務在得人尔
刑部廣西清吏司主事吳山乃南京刑部
尚書致仕洪之子家傳經術世繼甲科首
列職于郎曹實分司于庶獄刑書明啓訟

庭無寬濫之辜行檢聿脩朝署有公廉之
譽屬當大慶肇舉彝章預加褒錫之恩奚
俟陟明之考茲特進尔階承德郎錫之勅
命於戲爲國之要在用法法刻則及無辜
愛民之實在卹刑刑寬則失有罪尚加恇
懋以俟登崇欽哉

勅曰人臣有勞于國朝廷必寵其家肆惟伉
儷之良均被褒封之命式關風化奚間齋
亡刑部廣西清吏司主事吳山妻毛氏出
自名門嬪于儒族閨儀祇肅德性幽閑禮
義相成方著宜家之美琴瑟中斷竟違偕
老之心宜媿夫階以申卹命茲特贈爲安
人懿靈有知歆承無斁

勅曰婦專饋祀儀刑不出于閨門國重褒封
寵命必均于伉儷顧典章之具在豈先後
之有殊刑部廣西清吏司主事吳山繼室

劉氏婉婉有儀柔嘉維則夙遵姆訓繼配
儒流禮義從夫有儆戒相成之益儉勤率
下無貴驕自恃之心閭範既隆褒章宜錫
用旌內助式耀中閨茲特封爲安人尚敦
祇慎之風益迓駢蕃之寵

勅命

正德柒年 月 日

之寶

奉

天承運

皇帝制曰朕孝奉

兩宮肇舉尊

親之典寵加百辟肆覃錫類之仁矧惟卿曹
之舊臣粵有郎署之賢子爰推義訓特畀
褒恩尔南京刑部尚書致仕吳洪乃刑部
廣西清吏司主事山之父才大器閎識周

慮遠峻登甲第首擢郎官臬司丕振乎憲
網太僕懋脩乎馬政佐冬卿於朝省掌邦
禁於留都歷事

三朝荐更十任忠勤備著輿論翕歸顧直道
見沮於權奸而晚節甘求於靖退享田園
之至樂不戀時名薦經史之義方蚤成詰
嗣訟庭執法倍聲績之著聞禮典推恩宜
寵褒之光賁雖云異數式按彝章茲特封
爲資政大夫職如故綸音渙布遠增門閥
之輝福履駢臻大衍衣冠之慶

制曰子勤將母哀封式體其情妻本從夫品
秩亦以其類禮文攸重固風教之所關存
沒斯同實彝倫之當厚尔贈淑人王氏乃
刑部廣西清吏司主事吳山之母孝慈勤
儉柔惠靜莊義克相夫久著忠賢之績禮
能範內素敦順正之風積善行於一身兆

嘉祥於二子春惟冢嗣顯陟郎曹鼎釜養
違哀感已興於風木絲綸光賁卹恩宜示
於泉扃雖緣子貴以追崇實視夫階而並
進茲特贈爲夫人淑德既遠而彌彰式弘
佑啓國恩有隆而無替尚克欽承

制曰繼母有教育之德不異劬勞朝廷有褒
錫之榮實均寵數蓋禮則緣義而起故恩
必以類而推在古則然于今尤重尔丘氏
乃刑部廣西清吏司主事吳山之繼母恪
謹提身端嚴成性相夫盡職鷄鳴著儆戒
之風治內無違之鴈鳩秉均一之德粵有賢
子躋時顯庸雖襁褓之勞未躬於鞠育而
絲綸之命宜被乎褒榮茲特封爲夫人國
恩伊始增冠帔之休光慈範有徵享庭闈
之晚福



原件短缺

制 誥

正德陸年正月拾捌日

之 寶

第廿三至廿七頁缺

奉

天承運

皇帝勅曰朕惟行人之職國體是關其登用也非進士不除其出使也非君命不遣建置雖沿于周制責任實重于本朝匪慎簡求孰堪委畀尔行人司行人吳巖乃南京刑部尚書致仕洪之子刑部主事山之弟天賦英資人稱遠器擅詩書為世業聯伯

仲于甲科奉使勤勞動必循乎國典持身
清慎志克守乎官箴課功既邁于常倫褒
寵適逢乎慶賚茲特進尔階脩職郎錫之
勅命於戲是父是子人方有美于傳承惟
孝惟忠尔尚無忘于報稱勉遵予訓益究
乃心欽哉

勅命

正德陸年陸月初肆日

之寶

奉

天承運

皇帝勅曰國家董齊庶政分建六科名應部

曹實預盈廷之議職專糾劾更均治事之

勞國體是關公論攸託匪蕪才行曷稱簡

求尔工科給事中吳巖乃南京刑部尚書

致仕封資政大夫洪之子刑部廣東清吏

司署郎中事員外郎山之弟天賦英資人

稱遠器蚤登名于甲第首列職于大行久

積賢勞超登諫署愛君憂國忠誠備見於

封章守法奉公直道每行於叅駁賢聲茂

著最考是書可無寵名以示褒勸茲特進

尔階徵仕郎錫之勅命於戲父子弟兄榮

遇極一門之盛文章行業家聲延累世之

休益懋乃庸用光朕命欽哉

勅命

初任行人司行人

二任今職

之

寶

勅曰婦專饋祀儀刑不出於閨門國重褒封
禮典必均於伉儷矧我賢能之良配可無
推錫之殊恩工科給事中吳巖妻徐氏行
特端莊性惟柔婉出自衣冠之胄克守家
規嬪于科第之英式勤內助躬全婦道蔚
有賢稱宜視夫階以申褒命茲特封為孺
人尚殫主饋之勞益衍宜家之慶

勅

命

正德玖年捌月貳拾柒日

之

寶

易經卷之八

圖書

